

两淮监法志稿



兩淮鹽法志稿卷一百四十四

優恤門

濟收上

竈戶煎鹽而售之垣商垣商售之運商輓轡懋遷胥受其益鹽之爲利誠溥哉然自鄰私充斥官鹽減色而運商病矣岸銷疲滯垣鹽堆積而垣商亦病矣垣商旣病本絀力竭無錢收買而竈戶又病矣三病叢集於是濟收之說興焉濟收者發官款以收竈鹽所以紓垣商之力卽所以救竈戶之窮誠一時善政矣今以有息者歸官利無息者載於此篇志濟收

乾隆二年十月鹽政三保以兩淮築壩挑河停運之時商人
不復向竈買鹽勢必售私興販奏請將運庫閒款錢糧
動用數萬兩選擇殷實良商數人領銀到場會同場員
照依時價收買歸垣俟明春開壩後發交各商領運
繳清庫項

乾隆七年正月鹽政準泰檄淮北各場應於旺月照額儘
收乃場商每次領課到手類皆別項營運或於鹽少之
時預放利帳圖扣或俟鹽多無售乘急賤價勒買上年
春夏之交鹽池旺產乃刁指遲延必欲價值大減方行
扣帳賤收詎意夏秋陰雨連縣場產稀少額數難足則

委諸竈戶透漏支吾掩飾誤運病商殊堪痛恨茲當陽
氣升浮鹽產漸旺亟應乘時嚴飭場員督催場商儘數
收買並飭淮南商隨時發課倘敢仍蹈前轍遲延觀望及
分司場員徇情容隱遲誤額運定行分別究治

乾隆九年十一月署鹽政吉慶以淮北各場秋冬產鹽甚
廣除配捆額引外尙多餘剩奏請於運庫雜項閒款內
酌動銀五千兩飭發分司場員董率殷實良商儘數收
買所買之鹽卽附存商垣俟明歲飭商領運繳價歸款
旣可恤竈又可杜私而商運亦資接濟

乾隆十六年閏五月鹽政吉慶批准運使郭一裕詳淮南

各場因雨水產鹽稀少捆運維艱淮北之臨興場產鹽頗旺請酌借庫項給淮南程可正等五商前往收買以濟南運俟冬令鹽花歸土停止照數解繳歸款

乾隆三十一年九月鹽政普福奏准揚州淮安等處逼近場竈私鹽充斥前經會同督撫嚴飭各州縣嗣後拏獲私販務須訊明買自何場何竈據實詳參不得仍前掩飾開脫冀免處分在案惟是竈戶煎鹽餬口不能暫停而商人按引配鹽收買足數須俟下綱再買彼時竈戶有鹽莫售積梟固私人等乘閒勾引興販是每年竈產餘鹽實爲私販之源從前淮北海州三場有每年動支

運庫銀兩收買寒鹽之例請於淮南之通泰各場亦支
生息閒款酌量各該場產鹽多寡核定銀數遴選官商
領銀赴場將餘鹽儘數收買俟下綱商人領票到場先
儘配運繳價歸款俾顆粒盡歸官買商竈兩有裨益

乾隆三十三年七月鹽政尤拔世奏淮南通泰二運判所
屬二十二場自五六月以來雨澤稍稀場河淺涸鹽船
不能出場不可不預爲酌籌以期有備無患查乾隆十
六年淮北臨興一場旺產曾令淮南商人領項買運是
商人辦運總爲民食而南北場鹽均可相濟現在淮北
三場產旺商人配運有餘似可仿照舊案暫資接濟現

令運司選派淮南殷實數商酌定收買捆築規條於生
息銀內量撥前往按照北商收買斤重價值捆配南引
運赴儀所掣摯開江分運口岸奉

旨報可

乾隆三十三年十二月鹽政尤拔世奏向有借動公項飭
商收買寒鹽之例乾隆三十一年又經前鹽臣普福酌
動生息閒款發商收買餘鹽奏明在案今年淮北海州
三場滷旺鹽多商人配引之外資本微薄不能收買餘
鹽據運使蔣賜棨詳動生息項內銀一萬兩交淮北殷
商曹全吉等七名分領辦理於十一月十七日開垣收

起至明年二月初一日爲止俟己丑開綱時令商人先儘配運繳項歸款奉

硃批知道了

乾隆四十三年七月兩江總督高晉等奏各場煎曬鹽斤除額定配銷與本境貧民挑負之外再有多餘或旺產之年鹽數較多應將有餘之數盡歸商買以備提綱撥補之需奉

旨俞允

乾隆五十年六月鹽政全德奏淮南銷鹽口岸統計存岸在途引鹽俱可銷至八九月但須預爲籌備現將淮北

引鹽循例撥濟淮南轉瞬糧船過竣鹽聞啟板北商仍可趕運以還原額復於五十一年六月奏淮北引鹽因近年河南上江各口岸運艱銷滯積引太多奏蒙提出丙午綱免其捆運是口岸銷鹽雖少場竈產鹽未虧今旣停運一綱竈戶未免有鹽無售查淮南通泰各場上年被旱蕩草歉收煎燉較少產鹽不能足額今淮北旣有存鹽正可以有餘濟不足請撥淮北多餘之鹽令淮南各商買運赴儀改捆濟岸奉

旨俞允

道光元年十一月鹽政延豐奏目前根本之計亟當卹竈

培垣以爲利運裕銷之地現在飭令淮南官商查明停歇各垣勒限一月押令開垣補收逾限不遵另僉妥商接開其有實在無力收鹽者准其自行覓售或租典殷商接辦此後務照額產儘數收買其有運商欠找垣商尾課者分別欠期遠近立限全數找清並令嗣後運商隨時付價捆鹽不得少有掛欠以資垣商從容收買

道光十一年十二月運司俞德淵詳查本年通泰海三分司所屬被水成災各場竈鹽多被淹消停煎數月艱苦莫支而場商又因貲本不敷無力收買該竈丁等積鹽莫售生計實屬艱難蒙憲臺奏懇動撥銀四十萬兩爲

收買竈鹽之用飭令署司督同各分司酌看各場緩急分別銀數多寡由運庫先放銀十萬兩以應急需自應遵照體察各場情形先其所急後其所緩以歸實濟查海州三場本年僅報歉收秋初甫經動發銀二萬兩官爲收買現又發銀一萬三千兩飭令各場收買零鹽足資調劑其通屬九場額產不及全額十分之三本年被水較輕不致十分竭蹶惟泰屬十一場額產居兩淮十分之六垣商又多疲乏不堪本年丁溪等六場被水成災九分富安等五場成災五分雖經詳請蠲緩賑恤而竈丁有鹽莫售頗形困苦所有奉飭動放銀十萬兩應

請先儘泰屬各場分派至歷屆調劑銀兩收買竈鹽均
係責令垣商承領於發重時扣還歸款無如垣商窮乏
者衆一經領銀到手非還前欠卽補已虧於竈丁仍無
裨益查道光三年本有總商公堆收鹽之案現經通泰
各場官援案請辦此次奏借銀十萬兩應請責令辦事
商人黃滌泰等七家酌數分領前赴泰屬十一場將現
在無商收買之垣所有丁竈煎出鹽斤儘數收買收有
成數卽由該商等自行捆運仍委妥員周歷各場督催
趕收稽查收數隨時具報仍照案緩納課銀一兩七錢
抵銷歸補墊款三錢每千引帶補淹消二百引一律帶

殘於加斤時繳還鹽價給發桅水等票開行以符憲臺
奏明剋期歸還庫撥原款之案除諭飭辦事商人確查
泰屬各場無商收買之垣共有幾處某商認定某場某
垣分晰妥議收買捆運章程具稟領銀趕辦以專責成
外合先具文詳明

互見
恤竈

道光十二年正月戶部奏據兩江總督陶澍奏稱本年通
泰海三分司所屬被水成災該竈丁等積鹽無多必得
籌銀四十萬兩方敷收買之用等因臣等查道光二年
九年節據兩淮鹽政等奏請借撥銀兩收買竈鹽均係
聲明飭商按引扣收還庫檢查各該年奏銷冊報惟九

年借撥項下扣收銀六千餘兩其二年收買銀兩迄今
並未據造報扣還在竈丁固當矜恤而帑項亦未便置
之不顧且於本年五月據該督以淮北商力積疲奏請
在於己丑殘引加斤項下借給銀八萬兩收買餘鹽奉
旨允准甫經半歲復以二十三場通籌調劑撥借至四十萬兩
之多似此逐年籌借視爲泛常誠恐愈積愈多必致屆
期歸款措詞推展出納自由殊屬不成事體查歷次收
買餘鹽成案亦祇借給銀十萬兩此時遽請將收撥之
款動給至數十萬兩是名爲窮竈謀生實無異爲乏商
借本倘各商承領後不能如期歸補轉使實存在庫之

銀又成懸墊於前奏庫項各歸各款不准借墊章程亦屬不符況運商既無力運已捆之鹽轉使趕運官買恤竈之鹽動用銀款以緩納一兩七錢是緩急不能合宜措置咸多失算不若先將十萬兩均勻散給拯恤目前災丁不致流離失所帑項可期慎重今既稱本年通泰海三屬被水成災視往歲竭蹶情形較重該督已於運庫先放銀十萬兩以爲收買之用應准其撥案暫借銀十萬兩俾資生計仍令速飭商人趕緊捆運將庫撥銀兩如數刻期補納歸還原款毋許仍前按引攤還致滋延宕奉

旨依議

互見
恤竈

道光十七年十月海分司童濂稟各場竈戶俱是貧民並無蓋藏每交冬令池丁必須預借錢文以資衣食名爲寒付相沿已久從前鹽由丁販自相交易多係隔年定買池丁預收票販之價以定來年之鹽因而藉資濟竈嗣因池丁擡價居奇無隔年預收之價卽無寒冬濟竈之資不能不官爲接濟而官收之法亦未能遍及因思票鹽例價六錢駁費三錢本係票販年內付給今擬將九錢之價分作三次先於年內在庫存項下動支銀兩按照正額二十二萬引每引先發三錢飭令局商帶同

各池丁當堂具領俟來春票販繳呈鹽價每引六錢內扣回三錢歸還庫款以三錢發給池丁俾資收買仍有駁費三錢俟交鹽時由票販自行付給以備捆駁如此則年內濟竈有資而來年池丁收鹽交捆之時皆有鹽價駁費可領庫項亦不至久懸至西臨花埭兩局客池歸疇稽掃每引鹽價六錢籤蓆人工一錢二分通共七錢二分亦於年內預發三錢於來春繳呈六錢內以三錢還庫三錢給竈下存一錢二分由票販捆鹽時自給是否可行仰乞示遵經鹽政陶澍批寒付一項自應官爲籌畫准其如詳辦理

同治六年六月署運司程桓生詳據棧商宋錫莊等呈稱竊自咸豐癸丑兵燹之後各場垣商倒罷十居六七丁巳秋奉改新章每場或存數商或一二商收合餘燼竭力經營方期漸有起色乃通屬復遭庚申東壩之厄泰屬復遭上年西水之災舊痛新傷不圖相繼奇窮極苦此所由來猶幸江路暢通方冀岸銷暢旺不意去冬至今運商之回課甚稀場商之來源遽絕各場所賸有盡之錢斷不能收無盡之鹽恐一經紛紛停桶流弊將不可勝計等情到司據此當飭該商等妥爲籌議批示去後旋據該商等復稟運商場商同受岸銷太滯之苦顧

運商苦於滯銷而暫時停運於大局尙可無妨場商苦於滯銷而相率停收流弊不可勝計且今日之場竈整齊收數日廣非旦夕功也一旦停收則前功盡棄各場煎丁人數甚多一日不煎則一日不食若不亟思拯救恐老弱者填於溝壑少壯者另作他圖擬請詳明卽將運商在岸所繳預釐酌提數成解至司庫陸續借給場商廣收竈鹽仍嚴定索引扣繳章程於場鹽運至瓜棧先將借款照章扣繳方准定立交單以免懸宕似此一轉移閒於庫款並無出入場務得此轉機卽可儘產儘收目前旣無停桶之虞卽將來各岸暢銷亦不至無鹽

供運等情前來署司於四月閒分派委員於通泰各場
逐一查察情形其中疲乏之商固多而力可支持者亦
尙不少擬請借撥制錢泰屬四萬串通屬三萬串共錢
七萬串均由該分司等出具印領裝運下場擇其最爲
急切場分量子接濟是否有當仰祈鑒核經鹽政曾國
藩批查淮南通泰場商拮据情形本部堂於二月閒過
揚時曾據該署司面陳本有略予接濟之意嗣據詳請
緩納稅課迄未舉行茲又據各商瀝陳艱窘經該署司
札調通泰兩分司妥籌仍請借撥庫款收鹽係爲力顧
場竈根本起見披閱所呈清摺第一條泰屬額產多於

通屬准如所議籌撥制錢七萬串以四萬串發泰三萬串發通均由該分司等承領設有虧短惟該分司等是問司中擬動何款將來發給何場若干仍應開摺報查

第二條通泰場垣極多勢難遍給此項錢文祇准專濟產數較多商力極疲之垣由場官督同公收不准絲毫挪作別用違者參處向來商人請發庫款每受丁胥挾制任意需索商惠未沾而中飽已甚此爲鹽務積習本部堂素所深惡此次自司署以至分司場官衙門如有藉端勒索分文察出定行提省嚴辦務須痛除積弊從嚴禁革第六條此項鹽斤運出自應歸棧發售按引扣

價歸款惟瓜棧售鹽現經另札棧委重整輪規將來亦
應挨輪售賣不得以請款收買藉口希冀搶售以昭劃
一第八條各商領款後隨收隨運隨繳爲日固屬
無多獲利亦甚有限所得餘資准歸承領之商公同攤
派以示體卹

謹按此次借款經運司呈報動用司庫南臺商捐錢
二萬二千二百六十六千九百三十六文又裁減成
本各款錢三萬二千三百四十七千六百二十七文
尙不敷錢一萬五千餘串在於金山寺捐內借銀易
錢湊足七萬串如數支發

同治六年十二月運司李元華稟奉憲臺批本司詳據泰分司稟請續發庫錢接濟各場垣商收鹽緣由奉批昨據瓜棧程道稟請就到輪待售之鹽由官借給鹽價每引二兩給商收鹽業經批准另札該司籌解銀六萬兩場商得此調劑當可救燃眉之急所請將前發收鹽錢文再撥一次應毋庸議仰仍照章俟運商買鹽付價時按引核扣歸款等因奉此旋據泰分司稟稱竊卑職稟請續發濟收一款先撥一萬串以免誤收緣由業奉批允其時卑屬草堰伍祐兩場產數正旺商課斷流專待此款濟收該兩場大使率同各商來東守領卑職因思

此項先撥一萬串既蒙恩准自可通融辦理俾免株守
羈遲乃於東臺縣歐陽令處商借庫錢六千千文又梁
垛場徵存折價項下暫借錢一千千文又向本地元盛
錢店借錢二千千文又給函令伍祐場遣丁逕赴總局
領錢一千千文共計一萬串分給草堰四千串伍祐六
千串當據各該官商面領訖出具監官承領各結呈送
彙轉在案卑職隨卽函知總局按數彙付以清借款去
後茲於本月初六日接准總局來函以此案現奉督憲
批飭因瓜棧另稟借銀六萬兩接濟場商所請續撥一
次應毋庸議等因卑職伏思此次一萬串緣以奉准於

先始經設法借給一面函致總局匯付今欲將已發之款仍行收回不特該商等已經續收後鹽無從措繳而卑職亦未便既與復取致失衆望惟有仰乞憲恩仍照前稟轉詳抑或將此已給一萬串飭令總局照數匯付一俟該商等運鹽到瓜先儘此款扣收清訖稟請核示等情據此本司伏查此項錢文現雖尙存總局而蕭運判因草伍兩場竈鹽旺產先行設法借墊一萬串分給草堰四千串伍祐六千串係爲力杜竈私起見旣已收鹽在堆而遽令繳還恐各場一時力有未逮可否俯如所請將此已給一萬串飭令總局照數匯付一俟該商

等運鹽到瓜先僅此款扣收清訖之處據情轉稟經鹽政曾國藩批此等款項本應詳奉批准方可動撥惟伍祐草堰爲泰屬最要場分正值冬產暢旺急待濟收該分司先行借款墊給尙屬因公准如所議將此已給一萬串飭令總局照數匯付仍俟該商等運鹽到棧先儘此款核扣歸庫具報仍移知瓜棧程道知照嗣後凡請撥款皆須以奉批爲准其當於事理者亦無不批准也

同治七年三月伍祐場垣商尉宏美等稟伍祐場額產最大計共四十餘垣向皆商本竈置歷年付竈計欠有百餘萬串各垣認欠收鹽名曰主顧是爲竈埠則竈欠錢

文卽商垣血本節年修置埧竈統計續放新欠又約十餘萬串產額漸復力乏者招商租附稍裕者顧收亦難顧運現因棧鹽壅積停重以銷積引課無周轉誠慮一旦停收丁渙竈荒害不勝言前奉憲恩撥款濟收節經收齊運瓜待售今雖邀恩續發一次亦難收無窮之鹽查奉提各款內已沐免提泰屬場店辛工一款現值軍需漸次告竣仍有各捐等款可否一併量爲邀減免提庶免虧累經鹽政曾國藩批細閱所稟各條固多危聳之語至發場七萬串已准其續借辛工四十文已准其免繳此外無可再行減免目前場商之病不在無利而

在無本無利則其權在官本部堂尙可補救無本則其病在商本部堂勢難代謀其實在無力收鹽之垣或設法歸併或覓商頂替或收回運資專顧場產或添措鹽本藉資周轉全在該商等各就各垣徐徐佈置祇須經理得宜不貪多不妄用滯銷時果能耐守暢銷時便覺從容場垣究是基業務須畫經久之策勿徒作冀倖之思

謹按是年六月尉宏美復稟請借庫銀二三萬兩暫濟收鹽未經批准

同治八年八月鹽政馬新貽於長江水師存款內撥借銀

十萬兩發商濟收嗣於九年歸還本銀仍發場商濟收

竈鹽

詳見官利

同治十年二月運司方濬頤詳據通泰場商景駿發等稟
去冬今春各岸銷市未起瓜棧積存十二萬引泰囤又
積數萬引壅滯至極本年瓜棧甫經開市各岸買運尙
未踴躍現值春晴產旺垣收催迫商等貲本告竭設至
漏收透私則場岸兩病商等負疚益深惟有籲懇詳請
籌發公款十餘萬兩給商等承借濟收俾得暫紓眉急
保產杜私等情據此本司查運庫現存正雜各款爲數
無多抵應額支額解尙不敷用無從籌借惟該商等因

銷市疲滯無力收鹽係屬實情相應據情詳請有無另行籌撥之處祈示飭遵經鹽政曾國藩批候札飭海分司在於淮北徵存新綱半課及隄工捐款項下酌撥銀十萬兩刻日委解瓜棧由該司會同薛道按引派借專爲收鹽之用惟派借之法若按存場鹽數旣恐報數不實且場鹽倍於棧鹽零星分攤每垣所得無多仍屬無補於事而海分司所解之款隨時需用又非水師餉銀可比不能久借本部堂再四斟酌西岸將開新綱瓜棧先到之鹽卽可領價訂單無庸借款應扣除到棧在先五萬引自五萬引以後查明存棧實數按引派借其已

運泰州之鹽與存棧窰異亦應一律借給以昭公溥統
俟售鹽時按引扣繳歸款

兩淮鹽法志稿卷一百四十四

兩淮鹽法志稿卷

四十五

優恤門

濟收

下

同治十年三月運司方濬頤瓜棧薛書常詳奉憲批籌款
濟收於新綱半課等項內借給等因本司職道酌擬章
程四條一劃除五萬引分別尖和各數以示限制一已
運到泰之鹽一律照借以示均平一憑照蓋戳加具領
狀期有把握一按引歸款請在預價扣收免致遲誤經
鹽政曾國藩批此次借給場商公款與前次借給水師
餉銀情形稍有不同將來扣收歸款即可由淮南總局

陸續解還海州分司隨時具報並無須再由運庫出入
以歸簡便

同治十年五月運司方濬頤瓜棧薛書常詳據泰分司稟
富東何丁四場銷滯本摺均屬難支此中東何尤甚非
設立公垣別無他法請將藩庫生息銀兩借給東何二
場接濟官收經鹽政曾國藩批准

互見
官利

光緒二年九月儀棧龐際雲申藩庫公款十萬兩自同治
十二年八月發借起至本年八月止已屆三年歸本之
期准梅藩司咨開此項生息銀兩司庫係抵放輪船經
費等用可以照舊借撥等因除札飭淮南總局將此次

續放官款按照清查實存堆鹽另擬折借成數及每引扣還本銀若干一併妥速議章稟候核辦外相應具文

申報互見官利

光緒二年十二月淮運司歐陽正塘稟目前救急之事莫如調劑場商俾得儘產儘收以免竈私輾轉達岸之弊從前曾文正公深憫場商艱苦因定運商預付五成鹽價章程定章之初運商繳價踴躍於場收尙有裨益近年運商心計愈工兼營他業岸售鹽價不僅專為運鹽之用必探明開綱有期甫行到揚投咨繳價場商所領前五成鹽價雖有預付之名而無預付之實現據泰州

分司蕭運判稟稱所屬各場半多無力接收勉強支持並無現錢應付僅給垣條俟課到發錢竈戶苦累不堪若不設法補苴將來不堪設想本司再四思維惟有將運商繳價章程從嚴核定俾場商早日領價濟收未始非扶持困場之一計惟是目前場務勢如倒懸尙非整頓預付鹽價一事所能蘇困本司愚昧之見擬請於閒款項下暫行借撥銀數萬兩仿照水師官款生息章程發給場商俾資調劑經鹽政沈葆楨批所請飭撥閒款調劑場商但求有款可撥斷所不吝司庫正雜兩項既屬不敷商捐應備工賑之用此外惟儀棧尙可通融究

竟有無存銀仰卽會商龐道稟復核辦至運商應繳五成鹽價分別綱分已開未開實限飭繳立法最爲平允如果運商竟不遵章呈繳必由該司嚴加整頓若欲另定嚴章無論運商未必遵依卽使鹽價收數日旺而場商無從全領蓋不開綱不能發照不發照不能運棧不運棧不能領價層層鈴束方免流弊倘鹽未到棧而價先發場則虛買空堆搶跌售價百弊叢生害無底止目前場務誠如來稟非專整頓鹽價一事所能蘇困其非關要緊之差自應量爲裁減該司卽破除情面斟酌稟辦以歸核實

光緒三年二月運司歐陽正墉稟查官款接濟乃一時權宜辦理祇能暫顧目前之急若爲場商計及久遠舍整頓預繳五成鹽價別無拯救良策查運商在岸售出鹽價本由督銷局分別扣存給發擬請將五成鹽價仍照從前章程繳銀由督銷局於核扣預釐時將預價三兩一併扣存按月彙解淮南總局卽於環運文內敘明給商赴場投咨皖岸不扣預釐於售鹽後亦照鄂湘西一律辦理總局收到鹽價仍按照到鹽次第核給如此提前早繳在運商不過少捐月息卽可蘇場商重利盤剝之苦且有鉅款現銀陸續到場屢市流通可以救現在

概用匯票之病本司目擊場艱反復討究僉謂扶持場
困莫善於此程道節省款四萬金可以發商濟收具徵
不分畛域顧全大局本司擬卽屬其解揚連同司庫所
籌三萬金一並與龐道商酌辦理溯查同治六年程道
在署司任內籌款七萬串發商收鹽餘利全行給商官
不收息現在商情困苦已極似宜格外體恤以示維繫
外撥銀兩自應仍照藩糧公款一分取息司庫三萬兩
擬照從前程署司舊章不收官息兩款搭配借放如領
外撥有利銀一千兩搭借司庫無利銀六百兩統爲扯
算計繳息六釐有奇庶輕一分商利卽受一分之賜經

鹽政沈葆楨批查五成鹽價本係運商應繳之款既據該司擬請改由督銷局扣收按月截數彙解總局係爲提早時日起見仰候通飭四岸督銷局查明摺開章程分別辦理惟鄂湘西皖四岸之價全歸總局轉發錢莊統年總計爲數甚鉅平色及錢價已據該司立法防範其錢莊設有虧空應如何著落賠償存銀必有折息如何核實歸公再由司議詳立案所稱發商濟收之款司庫所籌三萬兩擬照舊章不收官息其程道局用節省項下借撥銀四萬兩仍照藩糧公款一分取息與司庫一款搭配借放所議均屬妥協應卽會同龐程兩道妥

商酌放

附運司擬五成鹽價改扣現銀解放章程三條

一五成鹽價每引改收現銀三兩鄂湘西於核扣預釐時每引扣銀三兩皖岸於售鹽後亦照三兩核收無論收數多寡按月截數委員解交揚州淮南總局湘岸道途較遠其應解鹽價銀或由湘局解至鄂局再由鄂局按月并解或由湘逕解揚州或用滙票專人寄揚均應由湘岸督銷局酌核情形辦理各局解銀盤川如能卽在岸收局費內開支最爲直捷倘岸局局費不寬未能代籌應酌定數目由司另行籌給

一鹽價改收現銀仍須易錢發給場商方能核算後五成應找牌價應定整齊畫一辦法以杜高下參差之弊俟奉文批准擬由總局諭飭向來收放鹽價錢莊每日將銀價報明總局牌示局門其銀價平色以每百兩加二兩庫平寶銀爲斷各岸局鹽價銀解揚卽於解到之日由局傳集各錢莊將解到之銀儘數分派給領照是日牌示銀價合錢登摺各岸平有高下統照加二庫平申算不准信宿停留仍將所兌銀數榜示局門按照岸局原咨名引某商繳銀若干兩易錢若干文在榜示內逐商註明發給買鹽照單時所繳鹽價以銀合錢數目


載明照內俾運商一望了然卽知後五成鹽應找繳若干平色高下銀價參差之弊均可杜絕

一鹽價改由岸扣專爲提前及現銀到揚起見至發給場商總以鹽到儀棧爲主現在棧存壅積固是鹽多價少卽使將來價多於鹽總局發交各錢莊之款積有存餘亦應仍照舊章辦理以免脫空

謹按五成鹽價每引繳錢五千至光緒七年嚴立給咨到揚限期以銀易錢仍由商人自行料理免錢莊把持之弊扣價亦不由岸局轉解互見票法新章立法乃盡善矣

光緒三年七月運司歐陽正墉稟湘岸督銷局惠道擬定
運商到揚繳價立限一稟奉憲臺批湘岸距揚較遠固
係實情惟投咨限期雖議從嚴而預價則請由商自行
料理與鄂西皖三岸辦法歧異仰淮運司迅速妥議稟
復察奪伏查五成鹽價改爲岸扣解揚奉批行通飭遵
辦惠道等以湘岸距揚較遠請將咨文立限一月到揚
並因礮船解銀不能迅速轉恐落後擬將預價照舊辦
理聽商人自行料理誠如憲批投咨限期雖從嚴而預
價辦法與三岸歧異自應再行妥議期於便商之中使
各岸不得有所藉口查湘至鄂遠隔洞庭風信靡常解

銀難於尅期與鄂西皖三岸情形自不相同本司前請
改歸岸收無非爲場商提早濟收起見並無苛待運商
之意今湘岸以解銀從速爲難擬將投咨限期從嚴較
昔年六十天舊章減半起限定爲三十天到揚仍與本
司力求提前之意相合但投咨有限而繳價無限卽與
他岸歧異應請仍照原定領銀後五天內繳價章程則
岸局給咨之日起限三十五天赴局投咨繳價逾限卽
由總局將該商本綱引票扣運一次隨時稟報概不准
以阻風患病等詞聲請以示懲罰而杜取巧揚州本有
湘省匯票銀局訪聞各商鹽課匯揚不過半月極爲靈



兩淮鹽法志 卷一百四十五
速如果運商於售鹽後卽將鹽本銀兩交匯定可依限
繳價不致遲誤如此變通辦理似較本司前定章程有
速無遲所有運商在岸銷竣前鹽及領咨日期應由督
銷局按旬開單逕飭淮南總局知照以便隨時查核經
鹽政沈葆楨批允

光緒三年九月運司歐陽正塘稟據西鄂湘皖四岸運商
廣昌隆等稟稱竊商等預繳五成鹽價前半飭改由岸
收專爲場商疲困提早接濟起見並蒙一再斟酌詳定
由岸扣解到揚卽由總局將原銀發交自行兌錢限五
日內仍照舊章每引繳錢五千文於立法之中寓變通

之意已勉力奉行茲鄂西皖均已在岸扣繳西皖並經
解過到揚照發原銀從前所慮錢店諸弊自盡祛除惟
數月以來商等在岸請咨立時攜帶來揚而鹽價銀兩
如本月扣繳者必至下月方能彙解長途阻隔時日稽
延深慮早到環咨無從趕運又值開綱在卽而殘綱之
票咨文俱來鹽價未到不克趕速運竣以清綱分將來
攙入新綱辦運愈遲輪售愈後綱分界限從此難以劃
清而商等因在岸扣價貽誤運務卽場商亦因轉折彙
解仍不能早領濟收商等反復籌思倘分別四岸嚴定
限期限期卽在咨文上註明限某月某日到揚隨咨呈

繳五成鹽價逾限將票停運各商以辦運爲生業咨文所關甚鉅斷不肯因五千文一引之預價而玩泄自誤巧者必不肯爲卽愚者亦知不可如值趕運之時定當先期而至決無逾限不到之理況發交原銀亦係限五日內繳錢同一立限同一示罰詎不違此而敢違彼似嚴定期期尤速於在岸扣繳也倘必欲執由岸扣收之法或飭令各商領咨時將五成鹽價錢文在岸局呈繳本花名匯票按旬封寄淮南總局匯票到後傳知各商限五日內將現錢繳局發還原票設咨文已到而匯票未到如值趕運之時卽可先繳現錢由總局給一收照

仍俟匯票到日再由該商檢呈收照換回匯票但不繳現銀既省解送之煩費且免時日之耽延而商等銀未扣去貲本現成咨文到場不難先繳似在岸改繳匯票亦速於批解現銀也總之場商早一日領價自得早一日濟收而運商早一日辦鹽亦得早一日輪售其求早之心場運初無二致且運商運鹽惟春秋兩季爲宜冬則水勢淺阻夏則風暴堪虞當此秋令便於行江而殘綱又迫於趕運祇以岸扣鹽價遲誤故商等辨論至再莫如定限繳價得以因時運鹽又據淮南總局議覆查五成預價前奉改由岸扣解揚係爲場商提早濟收起

見西鄂皖三岸均已將各商鹽價銀兩按票扣繳先後解揚惟湘岸以程途距揚較遠解銀從速爲難督銷局遂有嚴立限期令運商到揚自繳預價之請湘岸自定限以後各商到揚投咨繳價者均在十天半月之內此現定三十五天繳價之期有速無遲似較岸扣解揚尤爲迅速與提前濟收之意極爲脗合湘岸旣已立限遵辦西鄂皖三岸如仿照湘岸章程分立限期亦可期於劃一該運商等所稱在岸扣繳銀兩本月所扣者必至下月方能彙解屈計長途風信靡定其閒輾轉時日西鄂兩岸非四五十天不能到揚皖岸亦須三十餘天是

嚴定期實較在岸扣繳爲尤速尙屬實情似應俯如
所請分別程途遠近統爲嚴定期查各岸運商投咨
繳價原定限期湘岸六十日鄂岸五十日西岸四十日
皖岸三十日擬請嗣後各商在岸一經售鹽卽在岸局
繳釐領咨其限期鄂皖兩岸仿照湘岸減半章程西岸
雖道里較近於鄂而由吳城至九江東下轉不及漢口
直下之速擬請照原限減半再寬期五天鄂西兩岸自
岸局領咨日起限二十五天到揚皖岸限十五天到揚
各再予限五天赴局投咨繳價逾限卽由卑局將該商
應運引票隨時扣運具報概不准以阻風患病藉詞聲

請以杜取巧可否卽照該商等所稟請咨明各岸督銷局將所定期限卽於咨文上加蓋戳記以便隨時查核辦理並請咨明以後在岸各商銷數領咨各日期由各督銷局按旬開單逕飭卑局知照並由輪船局寄揚以期迅速所有在岸呈繳匯票應請毋庸置議各等情候示飭遵經鹽政沈葆楨批准

光緒九年正月運司孫翼謀准揚道徐文達稟奉憲臺札以通泰場商新同泰等稟場鹽壅滯請借撥庫款至三十萬兩究竟有無閒款可撥約可借撥若干飭司核議覆奪等因奉此伏查場商爲鹽務根本課釐之所自出

轉瞬春產暢旺待款濟收需數甚鉅要在貲本充裕
產儘收以期少透一引之私卽多收一引之課旣據該
商等因場鹽壅滯周轉不繼稟請借給庫款以資接濟
自應准如所請辦理本司職道一再籌商擬於司庫各
場解存折價項下借撥銀十萬兩俟來春察看產收情
形如須續借再行酌撥銀二三萬兩總期於場務有裨
庫項無虧斯爲妥善經鹽政左宗棠批折價係報部正
項改於淮北票費內借撥銀五萬兩以利轉輸

謹按是年五月續發平江票費銀三萬二千兩十一
月又發報効票費銀十萬兩交場商濟收均詳見官

利

光緒十年三月鹽政曾國荃札照得場竈爲鹽務根本垣商本足儘產儘收竈戶糊口有資場私自淨淮南近年各岸銷數疲滯存岸之鹽旣多積壓存棧之鹽轉運不靈場商貲本已形占擱上年各錢莊紛紛倒閉銀路艱窘始則通移不易繼則借貸俱窮當此春產旺收聞各場幾有坎桶之慮本爵部堂道出邗江目擊商情困苦有岌岌不可終日之勢不能不設法接濟以保大局應在運庫及海分司庫徵存正項內各提銀十萬兩共二十萬兩發交淮南總局查明各商存垣存棧鹽數憑鹽

攤借此項銀兩祇准收鹽不准挪作別用其應如何按
引扣還如何按年認息仍由運司查明向章妥議具詳
嗣據運司孫翼謀詳此項徵存正課內各提銀十萬兩
共二十萬兩按通一泰二章程逕由通泰兩分司查明
各垣堆鹽之多寡定各商領借之數目按月由分司衙
門將承借商名銀數移知總局照借款生息舊章按引
扣還計通屬應承領銀六萬六千六百六十六兩泰屬
應承領銀十三萬三千三百三十四兩

光緒十年七月鹽政曾國荃咨戶部閏五月准咨運庫徵
存淮南北正課項下提銀二十萬兩借給場商應如何

按引扣繳卽行妥議章程報部查核至所稱分年認息一節非政體所宜且恐扣款遲延致蹈帑利無著之弊著毋庸議等因當經飭據署運使張富年詳據總局查議各商將來鹽運到棧出售時於應領鹽價內每引扣還銀一兩一俟扣足銀二十萬兩卽當停止至認息一節通泰兩屬場鹽收多售少本年春產較旺雖奉發款濟收仍虞不繼轉瞬秋收商力更形支絀前項借給庫款謹遵部文免其繳息以恤商艱

光緒十年七月署運司張富年稟查運商預繳五成鹽價向由淮南總局查照場鹽到棧先後按引挨次核給以

濟產收嗣因運商投繳遲延光緒二年冬閒歐陽前司
請由各督銷局每引扣銀三兩按月提解來揚鄂西皖
三岸均已奉行惟湘岸以路程較遠未能遵辦改將各
岸投咨繳價限期分別酌定逾限停運示罰先後稟准
施行所以爲場務謀者未嘗不周且密惟投咨有限期
而請咨無限期運商必待新綱將開始赴督銷局請咨
開綱後一面投咨繳價一面訂交過鹽與現買現賣無
異運商有預付之虛名場商無預領之實濟目下場情
困苦已極若仍任聽延緩何以濟竈產而拯商艱伏查
售鹽給咨各岸均有清單按旬送司備核惟是某日售

清之引應於某日給咨向未明定期限運商價隨咨繳
遲領一日之咨卽緩繳一日之價而場產需款接濟早
付一引之價乃多收一引之鹽此時欲杜預價遲延惟
有將各岸應給環咨一體立限飭領經鹽政曾國荃批
所稟係爲藉紓場困起見仰候札飭四岸督銷局各就
運商情形妥議限期詳覆飭遵

光緒十一年二月署運使程桓生詳前撥借淮南北庫款
銀二十萬兩奉准於鹽運到棧出售時每引於應領鹽
價內扣還銀一兩現在已扣過銀一萬一千九百餘兩
轉瞬訂單暢旺扣數自必增多惟目前春產已屆場鹽

湧旺正需錢濟收之時前奉借給票費銀兩既須提回
若將此項庫款同時扣還一律歸庫勢必竭蹶倍形益
難周轉據分司等稟應將前發庫銀二十萬兩由局隨
時收回轆轤續發一次仍循舊章憑堆攤借前來署司
查所稟係爲慎重庫款起見伏候示遵經鹽政曾國荃
批允照辦

光緒十二年十月鹽政曾國荃批通泰場商和同昌等稟
請續放庫款以濟春產一案查此項借款前次因銷路
疲滯錢鋪倒閉不得不設法接濟現在岸銷雖未暢旺
而銀路業已疏通達部正項本未便久假不歸惟該商

拮据如故而突將不須繳息之巨款驟然收回緩急難
繼准將續放之銀俟陸續收回再行接借一半銀十萬
兩庶於庫款場情得兩全之道候札司棧遵辦嗣於十
三年正月運司詳查正項庫款二十萬兩續發案內業
經收回銀三萬七千九百四十九兩已據該局解還南
北平銀一萬兩在庫所有存局南北平銀二萬七千九
百四十九兩自應查照舊章憑堆攤派隨放以濟春產
一俟十萬兩放清其餘續收之銀應照南北平分別解

還歸庫

光緒十四年三月鹽政曾國荃批通泰場商謙益豐等稟

請續發銀兩一案查此項借款係達部正項業已續放
三次本應繳庫惟現因黃溜南趨商情觀望所陳場垣
困苦自係實情所有前發庫項十萬兩准予再借一次
照章核扣歸款以濟產收而舒場困候札司棧查照

光緒十四年八月奏分司沈桂淮南總局林鍾嶽等稟丁
溪一場收多銷少資本佔擱垣主既無力自顧新商又
裹足不前竈鹽無窮官款有限非廣集商力不足以支
全局合將丁溪場葉大使督商公議章程呈請示遵一
招股須減輕資本也一公收須按產集貲也一裁減浮
費以廣招徠也一收本給照以昭信實也一收鹽期分

宜定限制也一集股承辦須有專責也一集股自應籌足也一鹽數應照旬報也一重鹽需款須令籌備也一按股分利以示大公也經鹽政曾國荃批准

謹按是年十一月泰分司稟東臺何架兩場請照丁溪公收章程招商顧產十二月又稟伍祐正倉各垣仿照丁谿公收章程招商顧產十五年九月通分司詳李堡各垣竈鹽無商收買請照集股公收成案招商接辦均經運司批飭如詳辦理報明鹽政查考

兩淮鹽法志稿卷一百四十五

兩淮鹽法志

卷一百四十五

優恤門 濟收下

三

兩淮鹽法志稿卷一百四十六

捐輸門

助軍

兩淮地大物博貨貨闐溢爲浙粵川蘆所不逮乾隆嘉慶閒

王師征大小金川蕩平臺灣戡定川楚教匪淮商踴躍輸將稱爲極盛然皆自抒悃忱不假催索往往

詔書屢卻籲懇再三羣以貢獻邀

允爲至榮自粵寇橫肆外族侵侮度支告匱增權算緡海內耗弊於是計臣仰屋愁歎不得已而指派商捐或百萬或

數十萬攤諸通綱而眾商推諉或以食岸求免或以
則減派嘖嘖辨論甚至以輾轉移獎之法為招徠商捐
之地百呼而後一應是豈報効之忱今不古若哉亦物
力盈虛之故盛極而衰勢固然也會國藩定環章時即
有不派捐之約原欲掃除煩苛與民休息未幾而事變
迭出朝下一令暮更一章商力益削而民稍怨咨矣志

助軍

康熙十七年六月巡鹽御史郝浴題陳光祖程之諤等急
公濟餉將長岳等府捐免鹽引增課十三萬五千餘兩

奉

旨一併議叙吏部議准郝浴實心任事應兼太僕寺少卿銜商人陳光祖程之諤等三十五員勉力急公應酌銀數多寡分別從優議叙

雍正十一年商人黃光德感戴

國恩情願捐銀十萬兩以佐邊餉奉

旨著高斌收存報部聽候撥解不必具題

乾隆十三年十二月鹽政吉慶奏據商人程可正程謙六等呈稱商等近因大金川逆酋不法上煩

天討情願捐銀八十萬兩稍佐軍糈請先於運庫內撥解自己已綱起分作四年帶完歸款經戶部議准並請將捐資

各商加

恩議叙以示獎勵奉

旨允行

謹按此次先有漢口商人吳鼎和等公捐銀二十萬
兩部議以淮楚事同一體併案議叙嗣於十四年四
月江西巡撫唐綏祖奏江西省饒吉三埠商人許安
初等捐銀十萬以佐軍需

乾隆二十年六月鹽政普福奏據商人程可正等呈稱恭
聞伊犁蕩平商等情願各出己資公捐銀一百萬兩以
備

賞需請先於運庫撥解循例分年完納不敢攤入成本亦不敢
仰邀議叙奉

硃批知道了

乾隆二十三年十二月鹽政高恆奏據兩淮商人黃源德
等呈稱恭聞西北蕩平商等坐享樂利情願公捐銀一
百萬兩少抒服役之誠請先於運庫墊解分五年帶完
歸款不敢攤入成本亦不敢仰邀議叙欽奉

俞旨下部議叙

乾隆三十八年八月鹽政李質穎奏據兩淮總商江廣達
等呈稱金川小醜尅日勦除商等情願公捐銀四百萬

以備軍需之用第商本套搭在外一時未能湊齊現繳銀一百萬兩其餘三百萬兩懇請於運庫秋撥項內賞借銀一百萬兩

內庫現撥川餉內賞借銀二百萬兩抵作報効之數所借銀兩於甲午綱起分作十年歸款奉

旨嘉獎並交部照好善樂施之例從優議叙復奉

旨著李質穎查明某商名下捐銀若干分別議叙嗣據江廣達等以項未交完不敢先邀議叙是年九月又奉

上諭若俟借項全完再爲造報則須至十年以後爲期過遲著李質穎卽爲查明按數分等造報請敘經李質隸復奏兩淮

湖廣江西等處皆係公共口岸額引有一定之數運商非一定之人不能卽現辦引目預定下綱運數請將現交銀一百萬兩之商先爲議叙以昭獎勵經吏部按數分別議叙有差奉

旨依議

乾隆五十三年正月鹽政全德奏據商人江廣達程儉德等呈稱大兵進勦臺灣逆匪尅期蕩平商等情願公捐銀二百萬兩以備犒賞之需請於部款項下先行借撥於戊申綱起分作六年帶完歸款奉

旨嘉獎仍照例分別議叙

乾隆五十七年正月鹽政全德奏據商人洪箴遠程儉德等呈稱大兵進勦後藏賊匪奏凱在卽商等情願公捐銀四百萬兩以備凱旋

賞勞之需請於部庫先行借撥自壬子綱起分十年帶完歸款奉

旨著准其捐銀二百萬兩並准其分五年帶完所有商人洪箴遠等著咨部照例議叙

乾隆六十年閏二月鹽政蘇楞額奏據商人洪箴遠等呈稱湖南苗匪石三保等聚眾不法該處為淮商行鹽之地商人情願公捐銀二百萬兩以備凱旋

賞卹之需請先於部庫借撥分作六年帶完歸款奉

旨著准收一半分三年帶完歸款嗣於十一月鹽政蘇楞額以

商情懇切復據呈奏請

賞收蒙

恩俞允並准於前項分年帶完之後續分三年歸款仍交部一

併照例議叙

嘉慶元年五月楚匪竄入孝感縣漢口戒嚴商人汪必相等倡募鄉勇隨官軍防禦人眾糧寡必相獨捐米一千五百石以濟兵食漢鎮獲安事聞

特賜孔雀翎必相續又捐米二萬石助軍需均奉

旨優叙

嘉慶四年三月鹽政徵瑞奏據商人洪箴遠程儉德等呈稱川陝逆匪滋擾著名首逆陸續就擒大功指日告成撫輯賞賚需用較繁商等情願公捐銀三百萬兩以備善後之用懇請於運庫正額留存備撥銀內分作兩年六次撥解即於己未綱起分作六綱帶完歸款奉

旨准其交銀二百萬兩即照所奏按次解交部庫並著將該商眾等交部照例分別給予議叙以示優獎嗣於五年正月鹽政蘇魯復奏據商人洪箴遠程儉德等呈稱上年因勦撫川陝匪徒公捐報効銀三百萬兩僅蒙

賞收二百萬兩今川陝匪徒勦盡官兵凱旋在卽情願再捐銀

二百萬兩以備

賞賚之用請先於運庫墊解連前次捐輸一百萬兩自辛酉綱

起分四年歸款奉

旨將上次未收銀一百萬兩再行賞收其餘一百萬著不必交
納嗣於二月鹽政書魯以商情懇切復據呈奏請

賞收奉

上諭著再賞收五十萬兩其餘不必復行續懇至捐輸各商均
加恩交部量給議叙以示獎勵

嘉慶五年七月鹽政蘇魯奏據商人洪箴遠等呈稱川楚

內海鹽法志 卷一百四十一
六
賊匪滋擾大兵進勦指日告蕺情願公捐銀一百萬兩
以備凱旋之用奉

旨賞收五十萬兩

嘉慶六年五月鹽政蘇魯奏據商人洪箴遠程儉德等呈
稱商等辦運淮鹺世安樂利茲當川楚軍營連獲大勝
大功指日告蕺情願公捐銀二百萬兩以備

賞卹之用請於運庫徵存銀內照數墊解自壬戌綱起分五綱
帶完歸款奉

旨自本月永定河決口該商等公捐銀二百萬兩照數賞收著
書魯將一半解京備堵築撫卹之用其餘銀兩存貯運庫候

撥並查商捐姓名從優議叙以示獎勵

嘉慶八年正月鹽政佶山奏據淮南商人洪箴遠等呈稱川陝軍營大功告蕝商等情願公捐銀二百萬兩恭候撥解

賞卹之用此項銀現繳一百萬兩其一百萬兩請先於本年癸亥綱繳銀五十萬兩再於運庫閒款內借撥五十萬兩甲子年帶完歸款奉

旨賞收一百萬兩將商捐姓名查明咨部照例議叙嗣經鹽政佶山以商情懇切復奏請



賞收並另片奏稱捐職道員黃至筠捐職員外郎鮑漱芳捐職

內淮鹽法志 卷一百四十一
主事尉維柄遇事奮勉請格外加

恩奉

旨此次請賞收商捐銀一百萬兩之處不准行黃至筠三商等
先行交部優叙

道光二十年十二月總督兼鹽政裕謙奏現在逆夷在浙
滋事江省防堵需款浩繁據淮北票販王益大等稟稱
願於辛丑綱票鹽四十六萬引正雜稅銀之外攤捐銀
三十萬兩以備犒賞查淮南商人包振興等前此公捐
銀五十萬兩仰荷

賞收解交蘇州藩庫收儲專備防堵事宜及善後各項之用此

次該販等所請公捐銀三十萬兩仰懇俯准一體解赴蘇州藩庫歸入前項商捐款內留爲江省海口防堵及籌備善後各項之用再查造各票販等捐輸姓名履歷照例咨部議叙奉

旨允行

同治四年三月鹽政曾國藩奏前任江南提督李世忠捐助臣營軍餉曾派員弁在於淮南辦運皖岸官鹽撤勇以後卽將鹽斤分批呈繳共繳淮鹽六千四百五十餘引照皖岸售價合庫平銀十一萬三千七百八十五兩有奇又據呈繳赤金三千二百五十餘兩變換庫平銀

兩淮鹽法志 卷一百四十六
四萬五千九百四十兩有奇伏查該提督前次遣撤弁
勇皆係自散私財并未請領官項自奉

恩命准其開缺回籍渥荷

浩蕩之仁益矢涓埃之報深知臣營餉絀先後捐銀至十五萬
九千餘兩之多仰懇

天恩俯准以此項銀兩並入河南各捐款中爲將來加廣中額
之地理合附片陳請奉

旨該部議奏

同治四年六月鹽政李鴻章札淮運司西鹽招商局刻下
糧臺進款支絀防勦各路半屬淮鹽引地應由該司道

等勸諭輸捐以資接濟嗣於十二月西商吉大昌等捐銀六萬兩由招商局道員張富年稟准照金陵善後捐案給予獎叙

同治四年十一月楚鹽招商局歐陽兆熊稟上月奉批飭運司張道籌辦場運各商捐輸等因當經按認運引數分爲三等鄂岸大商以本年春綱爲斷每票議捐銀三百兩本年秋綱捐銀二百兩明年春綱捐銀一百兩明年秋綱免其捐輸一體繳釐作爲存記之引蓋大商除二三兩年業已辦運不計外本年春綱大半開江得利較速多取之而不爲虐明年存記秋綱爲時尙遠不得

不免捐以示體卹兩旬以來莫不願效輸將鄂岸本年春綱認捐銀四萬三千八百兩又樂輸銀二萬二百兩本年秋綱認捐銀二萬三千兩明年存記春綱認捐銀一萬一千五百兩至湘岸程遠一千餘里隔重湖之險曠日彌久利息較微本年春綱照鄂岸減半每票議捐銀一百五十兩本年存記秋綱亦照鄂岸減半捐銀一百兩共捐銀一萬九千五百兩由湘岸轉運局彙收移解計鄂湘兩岸通共捐銀十萬兩所有鄂岸本年春綱捐銀業據各商陸續呈繳銀二萬兩除先行批解外其餘應俟掣簽定後照數收齊並湘捐移解過局分批報

解以濟餉需惟大商中之捐銀多認運少者再三籲求
加引不得不酌量增益以順商情而籌捐款計加數千
引合成十八萬之數竊查湘岸之豐恆號係屬官運而
鄂綱內有彭部堂委員辦運之同順昌五千引據稱亦
爲補餉而設應請免捐仍令該員隨眾掣簽事歸一律
此外鄂湘本年春綱有早經開江而現綱並未呈請認
運者無從勸辦亦請免捐伏思該商等不一月閒認捐
銀至十萬兩之多尙屬急公懇准援照善後捐輸成案
給予獎叙至李軍門捐事屢經傳諭據稱因木石甄瓦
各料現成是以願請捐修書院前認曾中堂捐款一半

兩淮鹽法志 卷一百四十六
尚未繳清嗣官中堂諭令捐銀亦難應命實無現銀報
効等語應將所請之二千五百引一概註銷勻益眾商
以示懲勸經署鹽政李鴻章批准

同治四年十一月湖北鹽法道盛康等詳據委辦漢鎮捐
輸委員署漢陽府知府聶光鑿等稟稱鄂省頻年軍務
需餉甚殷而又奉

旨協濟各省之餉統計月費四十餘萬金積欠各營餉項竟至
數百萬之多若不設法籌辦誠恐如上春霆勇潰變堪
虞且現在豫捻游弋楚邊防勦正形喫重不得不再藉
捐輸以資接濟查漢鎮八幫鹽行爲最據各幫公議以

鹽行爲百行之首近來行銷甚旺必須鹽行提倡各行始無推諉現擬鹽行十家每家均捐銀二千兩十家共勸捐銀二萬兩以協輿論而昭平允其所捐之銀可否援照上年漢鎮興辦堡工諭飭各鹽行無論淮鹽川鹽每百斤捐銀六分之案減半定爲每百斤捐銀三分並擬將三分之數一半在於運商售價內提捐一半在於水販買價內取捐似此辦理在運商獲利尙多計算盈餘項下每斤只捐一毫五絲水販亦祇於買價內每斤增一毫五絲所取不過毫末而積少成多約計一年卽可集成二萬之數旣於鹽章並無所礙而於軍餉亦大

有益經鹽政李鴻章批查鄂岸銷數甚滯前經曾爵部堂咨商楚省減輕售價並將鹽行內一切浮費概予刪除迄今月銷淮引尙不足一萬之數本難加捐致令商販裹足惟鄂省軍餉浩繁通市各行旣已派捐鹽行自不便獨異至運商自提漲牌價後商利已薄况每引已完楚釐二兩四錢斷不可再增成本所有前項捐輸應由各鹽行取之水販不論川鹽淮鹽每百斤統捐三分以捐足二萬兩卽行截數停止不准專捐淮販致川本輕而淮本重亦不准任鹽行借捐輸爲名於三分之外另再多取分毫

同治六年五月湖北督銷局詳據漢鎮鹽行熊信昌等稟稱竊行等昨奉鈞諭內開鹽捐一項本道前在金陵面奉兩江督鹽憲諭令湖北鹽捐收足二萬兩卽行停止不准再捐定於四月十九日停止免捐等因奉此行等業已遵期停止共計抽捐數二萬七百七十三兩六分去今兩年因髮捻復竄楚境擾及漢黃德諸郡災民紛紛來漢奉漢陽府憲諭令各幫各行於大捐外加成另籌賑捐以資接濟災民去今兩年計派行等加成捐銀八百兩行等所抽餉捐之銀係按旬照數解繳憲局彈收不能閒斷去年只得另墊繳賑捐銀五百兩尙有三

兩淮鹽法志 卷一百四十六
百兩未繳伏查行等所抽捐銀二萬七百七十三兩六分除餉捐銀二萬兩外尙溢銀七百七十三兩六分以之撥填賑捐項下亦是以公濟公等情據此查此項溢捐之數僅只七百有餘該行等既奉漢陽府諭令加成助捐賑濟應否准其如數撥給賑捐伏候示遵經鹽政曾國藩批准

同治六年七月湖廣總督李瀚章咨兩淮鹽政據湖北布按二司鹽法道捐餉總局會詳稱據委辦漢鎮捐輸局務委員漢陽府知府鍾謙鈞稟稱案奉藩憲檄飭以鄂省征調頻仍又奉

旨協濟各省餉需支用浩繁擬加派漢鎮捐輸銀十二萬兩等
因遵卽諭令查照上年認捐數目輸捐當據各行幫允
照舊輸捐銀九萬二千兩有奇正在催收趕辦聞忽據
各行幫首士云稱漢鎮買賣以鹽行爲大宗現奉督鹽
憲諭令湖北鹽捐收足二萬兩卽行停止等因是鹽捐
旣可邀恩停止我等各行自必一視同仁公懇轉稟邀
恩免捐等情卑府伏查無異理合據情轉稟查核轉詳
示遵等情本司道查湖北減成捐輸自咸豐十年以迄
於今并未停止殊覺有累商民加以近年漢黃安襄德
五府所屬半遭捻氛居民未能安業所幸漢口樊城老

河口及沙市各大鎮尙皆完善每於急迫難支之際尙得藉資商力卽如漢口去歲勸捐前後約十萬有餘商情可稱踴躍今各行旣已捐輸勢難置鹽行而不勸去此二萬之鹽捐卽少此九萬之商捐詳請咨商兩江督憲准鹽行照舊捐輸嗣後捻氛稍戢自當卽行停止等情到本署部堂相應據情咨商嗣經鹽政曾國藩覆咨查鹽行捐輸雖云自行報効難免不取諸水販近日銀價日昂鹽價日貴淮局銷數疲滯已極是以面諭黃道將行捐停止昨據督銷局詳自六年正月起鹽行十家每年仍認捐銀五千兩按月解濟湖北軍餉則他行不

能藉口未便於五千兩之外再行增捐致礙淮鹽銷路相應咨覆請煩查照施行

同治六年十一月湖北巡撫曾國荃咨覆兩淮鹽政據湖北布政使鹽法武昌道牙釐總局捐餉總局會詳稱奉本爵部院批據督銷淮鹽局詳漢鎮鹽行每年捐繳軍餉請立案給獎一案奉批查該鹽行等每年捐銀五千兩以助軍餉如果並非取之水販實係出自己資自應准予所請一體照例給獎惟其中有無窒礙仰卽會核具覆等因本司道伏查湖北自軍興以來餉需支絀除辦捐輸釐金而外復經前撫部院胡奏頒牙帖分赴各

鄉設局勸辦不拘舊額准其隨時請領有裨軍需漢鎮專設分局勸辦牙釐各幫行用皆三分抽一以濟軍餉獨鹽行一業年來暢銷止收門釐未抽行用故於去年冬閒釐局查照漢鎮章程飭令一律照辦該行稟請督銷淮鹽局以鹽行因上年戴元泰虧課分賠滋累現在僅存十家售鹽行用例取三分入不敷出若再三分抽一難於措繳等情其時適有新商賀國憲因見淮引暢銷遵照奏定章程繳銀一千兩請頒鹽帖願將戴元泰虧款按股認賠惟鹽行須令同業環保恐該行十家壟斷把持以現定新章銀皆現兌無慮虧挪請免取保赴

釐局請示釐局因有成案可循未便以鹽行一處而阻
招徠且查沙市一處尙有鹽行十六家漢鎮遠勝沙市
竟令十家壟斷殊非公允當卽咨商督銷局黃道該道
恐添設鹽行則行用減色議以不抽行用不添鹽行惟
此十家營易每年認捐銀六千兩定五年十一月起捐
嗣因該行仍復求減改爲每年認捐銀五千兩復改自
六年正月起捐報解詳奉本爵部院批該行等旣每年
認捐銀五千兩並請毋庸給予獎叙所稱不添鹽行不
抽行用一節自應照准以示體恤惟將來銷數暢旺應
隨時變通辦理毋令把持等因在案茲奉前因本司道

覆查鄂省捐輸祇因餉需萬分支絀不得不藉力於商
民衆商皆踴躍樂從勢難置鹽行而不勸乃該行既不
遵三分抽一之議卽准其每年認捐五千於十家之外
不再添行可謂曲加體諒矣若再准予立案給獎不特
於憲臺甫經批准之案朝令夕改而於眾商捐項亦大
有厚薄之分非所以昭平允也正會詳聞又奉札開八
月准兩江爵閣督鹽部堂曾咨開以漢鎮捐輸軍餉請
飭鹽行照舊一律捐繳等案奉批昨據督銷局詳自六
年正月起鹽行十家每年仍認捐銀五千按月解濟湖
北軍餉則他行不能藉口未便於五千兩之外再行增

捐等因到本爵部院准此行令會核具覆等因本司道等詳繹批意似將前此每年額解五千不增鹽行之案併記於商捐之內查行捐因不增牙帖而設至於商捐係屬商販按鹽百斤僅取三分爲數無多取諸水販實取諸食鹽之戶名爲商捐而非取諸行商也但由鹽行抽取彙繳耳且一律准其獎敘並非勒令輸助可比今若免鹽行二萬兩之商捐則漢鎮各行紛紛藉口是以上年漢鎮收商捐銀十四萬餘兩今年尙收不足六萬兩鄂省頻遭兵燹加以水旱頻經司庫糧臺萬分支絀今秋襄河陡漲漢濱一帶地方淹沒田廬不少錢糧釐

金率皆減色當此征兵遠戍需餉殷繁軍無見糧臺多積欠而又議賑議工刻不容緩現又奉憲臺軫念民艱諭暫將各州縣捐輸停止所恃一時供挹注者惟此漢口沙市之商捐耳沙市之捐尙無成數而漢口已成之捐又因之觀望不前則籌餉益形棘手本司道等再四籌酌並與督銷准鹽局黃道往復面商鄂淮兼顧擬請仍派商捐之二萬兩而免續增之五千兩應請咨明兩江爵閣督鹽部堂曾查照前次詳咨另行核覆等情到本爵部院請煩查照施行經鹽政曾國藩咨復查此案前准署湖廣督部堂李來咨查商捐一項既係取諸水

販水販與淮南商唇齒相依水販利薄淮銷必滯此一定之理況近來銀價日昂鹽價日貴以致川私乘閒充斥淮局銷數永無起色本部堂改派程道卽日赴漢整理方擬設法平價豈可將飭停之捐重行科派至湖北水販買食淮鹽除完淮釐外每引徵完鄂釐二兩四錢每年解濟鄂餉不下三四十萬兩無非出自食鹽之戶他行商販何能紛紛藉口所議仍派商捐二萬兩之處斷難照辦相應咨復請煩查照施行

光緒六年六月戶部議覆直隸總督李鴻章奏撥兩淮鹽商議捐報効銀一百萬兩湊作鐵甲船經費一摺查本

年正月間臣部奏籌備餉需捐收兩淮票本聲明淮鹽
每年每票除繳正雜課釐外令按年捐銀一次合兩淮
現銷引數計算每年約可捐銀五十萬兩隨於三月間
署兩江督臣吳元炳覆奏各商湊集共捐一次銀一百
萬兩先繳現銀四十萬兩其餘六十萬兩分岸按引核
收隨時分批解部當經臣部議令將先繳之現銀四十
萬卽委委員照數解部交納下餘銀六十萬以兩淮奉
到此次部文日起予限一年全數完繳本爲邊防緊要
而設必需隨地隨時統籌兼顧若因一事全行支放設
將來別有要需更無存款可資應付殊堪厚慮惟據李

鴻章奏稱於軍國大計裨益非淺除招商局提款已奉諭旨允准外所有淮商捐款銀一百萬兩只先交四十萬兩擬請先行撥給北洋藉資應用如蒙

俞允應由臣部行文兩江督臣卽將前項銀四十萬兩改撥天津由江督委員徑交北洋大臣衙門兌收毋庸解赴部庫以省周折而免耽延下餘不敷之數應俟該大臣函商李鳳苞所造鐵甲船四隻約計幾年可成價分幾次勻付酌核定議覆奏到日再由臣部在商捐續交款內隨時酌核撥給俾濟要需嗣於十月李鴻章奏請將一百萬全數撥濟戶部議覆本年正月因籌備邊防奏

准在庫存四成洋稅項下提銀一百萬並奏請按年於各直省地丁鹽關釐金暨糧運庫各項下湊撥銀二百萬作爲東北邊防經費統計提撥銀數共祇三百萬至明年則部庫洋稅不能再提邊防經費所恃第外撥之二百萬其撥出之款如烏里雅蘇臺科布多等處之蒙古餉察哈爾之練餉奉天之月餉吉林黑龍江之防餉湖南提督鮑超之軍餉綜計常年撥款已至二百七八十萬此外零星餉項資裝軍火所需尙不在內是東北邊防經費一款本年所存無幾來歲入不敷出情形已可想見祇此項淮商捐銀係專案解部實在有著之款

前已撥給北洋四十萬爲訂船之用現在俄事未定將來決裂與否均需寬爲籌備以應緩急所有鐵甲船不敷經費仍令該大臣將船隻幾年可成價分幾次勻付函商李鳳苞定議陸續撥給嗣於七年五月李鴻章覆奏迭據李鳳苞函報在德廠訂造鋼面鐵甲船一隻核計初次請發兩船之款本多短絀今因式新價昂不敷更鉅臣於上年十二月議覆梅啟照海防條陳摺內請飭總理衙門戶部迅爲籌撥的款迄未奉復准明文今核所訂德廠船式喫水深十九尺每一點鐘行十四海里半合中國四十六里有奇前後首尾皆用鐵甲約十

八箇月造成蓋在中國海面所用鐵艦斷推此種爲上等又據函稱如南北洋合購四船約估價目第一船於光緒六年十一月在德購定勻分四期付價至光緒八年六月交船付訖該船配克鹿卜十二寸口徑後膛礮四尊八九寸口徑後膛礮首尾二尊亦分兩期付價加配雷艇電燈連珠礮魚雷裙鋼等件及驗工查料雇員駛回保險及生徒舵水各薪費約共需八百七十萬馬克卽四十萬英磅以每磅三兩八錢折算合銀一百六十三萬兩有奇其第二船現方屬英法廠主赴德面議但英法工貴價昂擬仍在德廠續訂以節糜費籌備亦

不可再遲合計第一第二兩船之價需費已在三百二十六萬兩以外至第三第四兩船將來須赴英廠另造其價稍浮大約照式續造兩艘並一切隨件薪費約共需九十萬英磅合計銀數又在三百四十一萬兩以外各等語臣查鐵艦四隻實屬中國必不可少之事惟值此籌款維艱必須分年續造以紓餉力現計初次擬造二船僅得有著之款一百五十萬兩尙短一百七十六萬餘兩除已定一船業飭江海關道劉瑞芬於上年九月本年三月兩次電匯英銀二十六萬磅約共銀九十七萬餘兩外又電致李鳳苞屬照規定綱面鐵甲原式

再訂一船洋廠合同一經議定價銀卽須如期分匯而
上海磅價時有漲落必先儲備實銀俟磅價稍低或電
匯現銀或預買磅票分起匯寄乃免喫虧臣擬將淮商
捐項銀四十萬兩挪後就前作此次購船之用其應繳
六十萬兩依限於五月內可以交清擬請全數撥作船
價以符原議並請

飭下兩江督臣轉飭兩淮運司委員解交江海關收存以便
隨時匯寄經部議准

謹按此案於光緒六年九月鹽政劉坤一奏報商捐
現銀四十萬兩分作三批解交揚州淮軍糧臺收訖

嗣於光緒七年閏七月各商續繳銀六十萬兩均作
購造鐵甲船之用互見捐收票本

光緒十七年四月戶部奏臣部常年入款約在一千三百
餘萬兩一年例用之款亦在一千二三百萬上下每歲
所入僅敷每歲所出其中偶有例外提撥尙不至立見
空乏者恃舊存之款稍有積蓄如四成洋稅近畿防餉
兩項皆係另款存儲尙可以暫時借動挹彼注茲此從
前部庫雖不充盈而尙堪騰挪周轉之實在情形也自
光緒十三年鄭工決口需款浩繁臣部因關緊急各省
一時無款指撥由部陸續提撥銀六百萬兩續將各省

內河監河志 卷一百四十一
三
解京之餉改解河工應用者多處綜計鄭工一事用款至一千二百萬兩之多始終未撥各省絲毫而部庫元氣之傷實由於此乃鄭工未畢山東河工卽接踵而興自光緒十二年起山東撫臣屢請鉅款造船挑淤築隄培埧歷年所請二三百萬及七八十萬不等計此四五年中共請撥銀六百七十餘萬兩而每年歲修之款尙不在內臣部又將各省解部款項改撥截留以應其請而部庫之入款愈絀矣至於出款之增加如

太和門工程需費數十萬兩

祈年殿工程需費數十萬兩更加以去夏大雨爲災各處應

修工程內而

宮廷殿宇外而城垣兵房幾於同時並舉有估需數十萬金者有估需數萬金數千金者紛紛請領迄今未發者尙有多處又值海軍衙門興辦鐵路由部每年籌銀二百萬兩內除由外省分撥者八十萬兩其餘一百二十萬兩亦係由部庫提撥以上各項各款皆係例外新增以致入款日絀出款日鉅本年二月兵餉幾於不能開放經臣等瀝陳下情奏請暫由邊防經費項下借動銀一百萬兩方敷支放現在各省解到之款如能源源而來尙可敷衍按月支持然暫時補苴究非長策設有例

內海鹽法志 卷一百四十一
外之需依然無所措手此現時部庫奇絀之實在情形也臣等日夜籌思公同集議欲爲設法補救必須先籌有著款項二三百萬兩充實庫儲以固根本然後嚴催各省將應解京餉源源接濟以裕餉源惟籌款一事洵非易易雖係盡力搜羅亦須顧全大體謹擇其有裨時艱無礙政體於彌補庫儲可徵實效者酌擬辦法五條

一各省鹽商應令捐輸請獎也查從前物力全盛之時各省鹽商凡遇

國家大工大役無不集資報効踴躍輸將以得蒙

賞收爲榮至有再三籲請者咸豐同治以後商力雖不如前

然小邏堡清水潭等工亦皆報捐鉅款卽近年鄭工案內各省鹽商亦集捐銀至一百餘萬兩足見急公好義今昔相同現在部庫空虛亟籌培補自應援照成案普勸捐輸查鹽務以兩淮爲大宗應由兩江督臣轉飭運司按照引票勸令該商人等認捐一次其餘鹽務省分雖局面大小不同亦當量力報効應併令各該督撫轉飭運司鹽道體察商情剴切勸諭均令普捐一次解部充餉各商所捐銀兩准照現行海防事例給予獎叙實職翎支虛銜

封典以及貢監各項各隨所請並准移獎子弟以示鼓勵該

督撫等務當實力勸辦不得以商情疲累爲詞空言搪塞再查奉天鹽釐一項每石現收東錢四串八百文較內地科則尙屬輕減應令該將軍自接奉此次臣部奏案之日起每鹽一石加收東錢兩串四百文所收錢文每屆半年易銀解部一次此係加抽鹽釐與鹽商捐輸有別應無庸給予獎敘亦毋庸再勸捐輸奉

上諭著依議行

光緒十七年八月鹽政劉坤一奏查部臣陳奏外辦四條以鹽商捐輸爲大宗遵經札飭兩淮運司江人鏡傳集商人妥勸去後茲據稟稱諭令淮南北商販共按引認

捐庫平銀一百萬兩內淮南湖北湖南江西安徽四岸
各商共攤捐銀七十八萬兩江甯揚州等屬食岸各商
共攤捐銀二萬兩淮北票販共攤捐銀二十萬兩淮南
分兩年淮北分兩綱一律繳清解部等語此次捐項擬
懇

天恩勅部隨到隨獎其委解捐款與尋常委解京餉不同所
有向例應解之部飯加平銀兩應予免交以昭激勸而
示體卹奉

硃批著照所請

謹按此項商捐請獎後定爲按實銀百兩照繳部飯

銀一兩五錢公費銀一兩其照費銀二錢卽在一兩
內動撥不再另收如捐貢監每張另繳國子監飯銀
一兩

兩淮鹽法志稿卷一百四十六